

MWANZO

Kuumba ulimwengu

1 Katika mwanzo Mungu aliumba mbingu na dunia. ² Na dunia ilikuwa ukiwa na utupu, na giza lilikuwa juu ya uso wa kilindi; Roho ya Mungu akatulia juu ya uso wa maji. ³ Mungu akasema: Nuru iwe: na nuru ilikuwa. ⁴ Mungu akaona nuru ya kama ilikuwa vizuri; Mungu akatenga nuru na giza. ⁵ Mungu akaita nuru Muchana na giza aliita Usiku. Na ilikuwa mangaribi na ilikuwa asubui, siku moja.

⁶ Mungu akasema: Iwe nafasi katikati ya maji, itenge maji na maji. ⁷ Mungu akafanya nafasi, akatenga maji yaliyo chini ya nafasi na maji yaliyo juu ya nafasi; na ilikuwa hivi. ⁸ Mungu akaita nafasi Mbingu. Na ilikuwa mangaribi, na ilikuwa asubui, siku ya pili.

⁹ Mungu akasema: Maji chini ya mbingu yakusanyike kwa pahali pamoja, na inchi kavu ionekane; na ilikuwa hivi. ¹⁰ Mungu akaita inchi kavu Inchi, kusanyiko la maji akaita Bahari. Mungu akaona ya kama ilikuwa vema. ¹¹ Mungu akasema: Inchi itoe majani, mboga ikitoa mbegu, na muti wa matunda ukizaa matunda ya namna yake, mbegu yake iliyo ndani yake, juu ya inchi; na ilikuwa hivi. ¹² Inchi ikatoa majani, mboga ikitoa mbegu ya namna yake, na muti ukizaa matunda, mbegu yake iliyo ndani yake, ya namna yake. Mungu akaona ya kama ilikuwa vema. ¹³ Na ilikuwa mangaribi, na ilikuwa asubui, siku ya tatu.

¹⁴ Mungu akasema: Iwe miangaza kwa nafasi ya mbingu ipate kutenga kati ya muchana na usiku; nayo iwe kwa alama na kwa nyakati na kwa siku na kwa miaka. ¹⁵ Nayo iwe kwa nuru kwa nafasi ya mbingu, iangaze juu ya dunia; na ilikuwa hivi. ¹⁶ Mungu akafanya miangaza miwili mikubwa; mwangaza muku-bwa kutawala muchana na mwangaza mudogo kutawala usiku; na nyota vilevile. ¹⁷ Mungu akaiweka kwa nafasi ya mbingu kuangaza juu ya dunia, ¹⁸ na kutawala juu ya muchana na juu ya usiku, na kutenga nuru na giza; na Mungu aliona ya kama ilikuwa vema. ¹⁹ Na ilikuwa mangaribi na ilikuwa asubui, siku ya ine.

²⁰ Mungu akasema: Maji yajae kwa wingi na viumbe vilivyo hai, na ndege waruke juu ya inchi kwa nafasi ya mbingu. ²¹ Mungu akaumba nyama wakubwa za bahari, na kila kiumbe kilicho hai na kinachotembea, maji yaliyotoa wingi kwa namna zao, na kila ndege kwa namna yake. Mungu akaona ya kama ilikuwa vema. ²² Mungu akawabariki, akisema: Muzidi na kuongezeka, mujaze maji baharini, na ndege wazidi inchini. ²³ Na ilikuwa mangaribi, na ilikuwa asubui, siku ya tano.

²⁴ Mungu akasema: Inchi itoe kila kiumbe kilicho hai kwa namna yake, ngombe na mutambazi, na nyama ya inchi kwa namna yake; na ilikuwa hivi. ²⁵ Mungu akafanya nyama ya inchi kwa namna yake, na ngombe kwa namna

1:1 Yn 1:1, 3; Ebr 1:10; Yob 38:4; Isa 44:24; Rom 1:20; Kol 1:16; Ebr 11:3; Ufu 4:11. 1:2 Yer 4:23; Isa 40:12. 1:3 Zab 33:9. 1:5 Zab 74:16. 1:6 Yob 37:18; Zab 33:6; 136:5; Yer 10:12. 1:9 Yob 26:10; 38:8; Zab 33:7; 95:5. 1:11 Ebr 6:7; Lk 6:44. 1:14 Tor 4:19; Yob 25:3, 5; Zab 74:16; 136:7. 1:17 Zab 8:1. 1:20 Zab 104:24. 1:24 Zab 104:18-23.

yake, na kila mutambazi juu ya udongo kwa namna yake; Mungu akaona ya kama ilikuwa vema.

26 Mungu akasema: Tufanye mutu kwa mufano wetu, mwenye sura yetu, na watawale juu ya samaki za bahari na juu ya ndege za hewa na juu ya ngombe, na juu ya inchi nzima, na juu ya kila mutambazi anayetambaa juu ya inchi. 27 Mungu akaumba mutu kwa mufano wake mwenyewe, kwa mufano wa Mungu akamwumba; mume na muke akawaumba. 28 Mungu akawabariki, Mungu akawaambia: Muzidi na kuongezeka, na mujaze tena inchi na kuitiisha; na mutawale juu ya samaki za bahari, na ndege za anga na kila kiumbe kina-chotambaa inchini.

29 Mungu akasema: Tazameni, nimewapa ninyi kila mboga ikizaa mbegu iliyo juu ya uso wa inchi, na kila muti ndani yake ni tunda la muti likizaa mbegu; kweni utakuwa kwa chakula,³⁰ na kwa kila nyama ya dunia, na kwa kila ndege ya anga na kwa kila mutambazi juu ya inchi, uliyo hai; nimewapa majani yote ya mboga kwa chakula; na ilikuwa hivi. 31 Na Mungu aliona kila kitu alichofanya, na tazama, kilikuwa kizuri sana. Na ilikuwa mangaribi, na ilikuwa asubui, siku ya sita.

Edeni

2 Mbingu na dunia zikamalizwa, na jeshi lao lote. 2 Siku ya saba Mungu akamaliza kazi yake aliyofanya, akastarehe siku ya saba katika kazi yake yote aliyofanya. 3 Mungu akabariki siku ya saba, akaitakasa; kwa sababu ndani yake alistarehe katika kazi yake yote Mungu aliyounda na kuifanya.

4 Hivi ni vizazi vya mbingu na vya dunia wakati zilipoumbwa, kwa siku BWANA Mungu alipofanya dunia na inchi. 5 Wala haijakuwa bado mbegu ya shamba duniani, wala mboga ya shamba haijaoa bado; kwani BWANA Mungu hajanyesha bado mvua duniani wala mutu wa kulima udongo hakuwa; 6 lakini umande ukapanda toka inchi, ukanyesha maji juu ya uso wote wa inchi. 7 BWANA Mungu akafanya mutu wa mavumbi ya inchi, akapuliza pumuzi ya uzima ndani ya pua yake; na mutu alikuwa nafsi ya uhai.

8 BWANA Mungu akapanda shamba kwa upande wa mashariki kwa Edeni, akatia pale mutu aliyemufanya. 9 Toka udongo Bwana akaotesha kila muti wa kupendeza macho, na muzuri kwa chakula; muti wa uzima vilevile ulikuwa katikati ya shamba, na muti kujua uzuri na ubaya. 10 Muto ukatoka katika Edeni kunyesha maji shambani; na toka kule ukatengwa na ulikuwa vichwa vine. 11 Jina lake la kwanza ni Pisoni; ndio unaozunguka inchi nzima ya Havila, pale zahabu ilipokuwa. 12 Na zahabu ya inchi ile ni nzuri, kule kuna bedola na kitchafrangi. 13 Jina la muto wa pili ni Gihoni; ndio unaozunguka inchi nzima ya Etiopia. 14 Jina la muto wa tatu ni Hidekeli, ndio unaozunguka inchi nzima ya Asuria. Muto wa ine ni Furati. 15 BWANA Mungu akatwaa mutu, akamutia shambani mwa Edeni kulilima na kulichunga. 16 BWANA Mungu akaagiza mutu akisema: Wa kila muti wa shamba unaweza kula; 17 lakini wa muti wa kujua uzuri na ubaya usile kwa maana siku unapokula, hakika utakufa.

1: 26 Zab 100:3; Efe 4:24; Yak 3:9; Zab 8:6. 1:27 1 Kor 11:7; Efe 4:24; Kol 3:10 Mal 2:15; Mt 19:4; Mk 10:6. 1:28 Zab 127:3; 1 Tim 4:3; Mwa 9:1, 7; Law 26:9; Zab 128:3, 4. 1:29 Yob 36:31; Zab 104:14, 15; 136:25; 146:7; Mdo 14:17. 1:30 Zab 145:15, 16; 147:9; Yob 38:41. 1:31 Zab 104:24; 1 Tim 4:4. 2:2 Kut 31:17; Ebr 4:4. 2:3 Kut 16:22-30. 2:5 Zab 104:14; 65:9, 11. 2:8 Mwa 13:10. 2:9 Eze 31:8; Mwa 3:22; Ufu 22:2, 14. 2:10 Zab 46:4. 2:11 Mwa 25:18. 2:14 Dan 10:4.

Hawa

18 BWANA Mungu akasema: Si vema mutu awe peke yake; nitamufanyia musaidia anayefaa kwake. ¹⁹ Na kwa udongo BWANA Mungu akafanya kila nyama ya mwitu na kila ndege ya hewa, akawaleta karibu na mutu kuona atakavyowaita; na sawasawa mutu alivyoita kila kiumbe cha uzima, hili jina lake. ²⁰ Mutu akawapa majina ngombe zote na ndege za hewa na kila nyama ya mwitu, lakini musaidia kwa mutu hakuonekana. ²¹ Na BWANA Mungu alileta usingizi muzito kuangukia mutu, akalala; akatwaa mumoja wa mifupa ya mbavu zake, akafunga nyama kwa pahali penyewe; ²² na mufupa wa mbavu BWANA Mungu alioondosha kwa mutu, akafanya mwanamuke, akamupeleka karibu na mutu. ²³ Adamu akasema: Huyu sasa mufupa wa mifupa yangu, na nyama ya nyama yangu; ataitwa Mwanamuke kwa maana ameondoshwa katika mume. ²⁴ Kwa sababu hii mume ataacha baba yake na mama yake na atafungana na muke wake; nao watakuwa mwili mumoja. ²⁵ Nao wawili walikuwa watupu, mume na muke wake, wala hawakuona haya.

Zambi ya kwanza

3 Basi nyoka alikuwa na hila kuliko nyama zote za mwitu BWANA Mungu aliofanya. Akamwambia mwanamuke: Ndiyo, Mungu amesema: Musile ya miti yote ya shamba? ² Mwanamuke akamwambia nyoka: Matunda ya miti ya shamba tunaweza kula; ³ lakini matunda ya muti ulio katikati ya shamba Mungu amesema: Musile yake wala musiyaguse, musife. ⁴ Nyoka akamwambia mwanamuke: Hakika hamutakufa, ⁵ kwani Mungu anajua ya kama siku mutakopokula matunda yake, macho yenu yatafunguliwa, na mutakuwa kama Mungu mukijua uzuri na ubaya. ⁶ Na wakati mwanamuke alipoona: ya kama muti ulikuwa muzuri kwa chakula, na ya kama ulipendeza macho, na ya kama ulikuwa muti wa kutamaaniwa, akatwaa ya matunda yake, akakula; akamupa mume wake vilevile pamoja naye, naye alikula. ⁷ Nao wawili, macho yao yali-funguliwa; wakajua ya kama walikuwa watupu; wakashona majani ya mutini, wakajifanyia nguo. ⁸ Kisha wakasikia sauti ya BWANA Mungu akitembea shambani mangaribi; mume na muke wake wakajificha wenyewe mbele ya macho ya BWANA Mungu katikati ya miti ya shamba. ⁹ BWANA Mungu akaita Adamu, akamwambia: Wewe ni wapi? ¹⁰ Akasema: Nimesikia sauti yako shambani, nikaogopa, kwa sababu nilikuwa mutupu; nikajificha. ¹¹ Akasema: Nani alikuambia ya kama ulikuwa mutupu? Umekula wa miti juu yake nilikuagiza: Usile! ¹² Mwanamume akasema: Mwanamuke uliyenipi awe pamoja nami, yeye alinipa ya muti, na nilikula. ¹³ BWANA Mungu akamwambia mwanamuke: Nini hii uliyofanya? Mwanamuke akasema: Nyoka alinidanganya, na nilikula. ¹⁴ BWANA Mungu akamwambia nyoka: Kwa sababu umefanya maneno haya, umelaaniwa kuliko nyama zote, na kuliko kila nyama ya mwitu; juu ya tumbo lako utakwenda, na mavumbi utakula siku zote za maisha yako; ¹⁵ na nitatia uadui katikati yako na mwanamuke, na katikati ya uzao wako na uzao wake; ataponda kichwa chako, na wewe utaponda kisigino chake. ¹⁶ Akamwa-

2:19 Zab 8:6. 2:21 Mwa 15:12. 2:22 Mez 18:22; Ebr 13:4. 2:23 Mwa 29:14; Amu 9:2; 2 Sam 5:1; Efe 5:30; 1 Kor 11:8. 2:24 Zab 45:10; Mt 19:5; Mk 10:7; 1 Kor 6:16; Efe 5:28-31. 2:25 Kut 32:25; Isa 47:3.

3:1 Mt 10:16; Ufu 12:2; 20:2. 3:3 Mwa 2:16, 17. 3:4 2 Kor 11:3; 1 Tim 2:14. 3:6 Rom 5:12-19. 3:8 Yob 31:33; 38:1; Zab 139:1-12; Yer 23:34; Amo 9:3. 3:9 Mwa 4:9. 3:10 Yob 23:15; 1 Yn 3:20. 3:12 Mez 28:13; Yak 1:13. 3:14 Isa 65:25; Mik 7:17. 3:15 Hes 21:6, 7; Rom 16:20; Ebr 2:14; 1 Yn 3:8. 3:16 Yn 16:21; 1 Tim 2:15.

mbia mwanamuke: Nitazidisha sana uchungu wako na kuzaa kwako; kwa uchungu utazaa watoto; kutaka kwako kutakuwa kwa mume wako, naye atakutawala. ¹⁷ Akamwambia Adamu: Kwa sababu umesikia sauti ya mwanamuke wako, na umekula ya muti, juu yake nilikuagiza nikisema: Usile matunda yake; udongo umelaaniwa kwa sababu yako; kwa uchungu utakula ya matunda yake siku zote za maisha yako; ¹⁸ michongoma na miiba utakuotesha; na utakula majani ya shamba; ¹⁹ kwa jasho ya uso wako utakula mukate, hata utakaporudi kwa udongo; kwa maana umetwaliwa katikati yake; kwa sababu mavumbi wewe, na utarudi kwa mavumbi. ²⁰ Mwanamume akaita jina la muke wake Hawa; kwa sababu alikuwa mama ya wote walio hai. ²¹ BWANA Mungu akafanyia Adamu na muke wake mavazi ya ngozi, akawavalisha.

Adamu na Hawa wanafukuzwa toka Edeni

22 BWANA Mungu akasema: Tazama, mutu amekuwa kama mumoja wetu, kwa kujua uzuri na ubaya; na sasa, isiwe anyoshe mukono wake na kutwaa vile wa muti wa uzima, na kula, na kuishi milele; ²³ kwa hivi BWANA Mungu akamutoa toka shamba la Edeni, alime udongo pale alipotwaliwa. ²⁴ Hivi akafukuza mutu, akaweka Makerubi kwa mashariki ya shamba la Edeni na upanga wa ulimi wa moto uliogeuka pande zote kuchunga njia ya muti wa uzima.

La Sainte Bible en swahili du Zaïre

© Alliance biblique universelle

United Bible Societies

Africa Regional Centre

P O Box 42726

Nairobi, Kenya

UBS-EPF 1992 - 28.5M - R062